

Službe za stambena pitanja će kazniti dvostruke korisnike

Višestruki korisnici moraju napustiti stambenu imovinu koju bespravno koriste ili će se suočiti sa velikim novčanim kaznama. Svi višestruki korisnici koji nisu dobrovoljno oslobodili imovinu koju koriste, ukoliko to ne učine u roku od 15 dana nakon izdavanja odluke od strane službi za imovinska pitanja, suočiće se sa plaćanjem kazni u rspanu od 250 do 5 000 KM. Po isteku roka od 15 dana, službe za stambena pitanja mogu odmah prijaviti višestrukog korisnika kompetentnim tijelima koja će naplatiti kazne.

Službe za imovinska pitanja na svim nivoima moraju preduzeti sve neophodne korake da višestruki korisnici budu kažnjeni ukoliko ne napuste imovinu koju koriste. Na općinskom nivou, službe za stambena pitanja trebaju dobiti jasne instrukcije kako mogu prijaviti takve slučajeve kompetentnim tijelima, kao i entitetske vlasti i vlasti Brčko Distrikta koje moraju osigurati da ova tijela učinkovito funkcioniraju.

Prošlo je više od četiri godine od kada su u BiH usvojeni imovinski zakoni. Višestruki korisnici moraju poštovati ove zakone. Neprihvatljivo je da oni jednostavno čekaju da službe za imovinska pitanja i policija pokucaju na njihova vrata. Takvo ponašanje mora biti sankcionisano.

Posljednji amandmani na imovinske zakone podrazumijevaju da budu harmonizovane procedure za novčano kažnjavanje višestrukih korisnika između dva entiteta. Organizacije za provedbu imovinskih zakona (PLIP) sada pozivaju sve kompetentne službe za imovinska pitanja da intenzivno koriste propise iz imovinskih zakona koji se odnose na ove slučajeve.

PLIP organizacije (OHR, OSCE, UNHCR i CRPC) pozivaju višestruke korisnike da dobrovoljno oslobode imovinu koju

trenutno koriste, prije nego budu kažnjeni i deložirani.

PLIP organizacije smatraju da provedba imovinskih zakona treba biti ubrzana tokom ljetnih mjeseci i da rad službi za stambena pitanja mora biti što je moguće efikasniji.